



REPUBLIKA E KOSOVËS - REPUBLIKA KOSOVO	
KOMUNA E VUSHTRRISE - OPŠTINA VUČITRN	
01 Nr. / Br.	49/18
Nr. i lq. / Br. st.	- 11 -
Datu / Datum	22. 02. 2018
VUSHTRR - VUČITRN	



REPUBLIKA E KOSOVËS

KUVENDI I KOMUNËS-VUSHTRRI

PROCES VERBAL
NGA MBLEDHJA E -I- E KUVENDIT TË KOMUNËS SË VUSHTRRISË, MBAJTUR
MË 25 JANAR 2018

Mbledhja është mbajtur në sallën e Kuvendit Komunal, duke filluar në orën 10:10.

Në këtë mbledhje ishin të pranishëm anëtarët e Kuvendit të Komunës në Vushtrri:

Abdullah Vojvoda, Agim Bregaj, Agron Perçuku, Ali Januzi, Arta Ymeri, Bahrije Ademi Murati, Basri Menxhiqi, Ermal Lahu, Fakete Dushi, Fatmire Saraçi, Faton Shabani, Fjolla Ujkani, Gentiana Rama, Gresa Muli, Habibe Gërxhaliu, Hysni Gërguri, Ilmi Azemi, Kushtrim Hyseni, Lorik Maxhuni, Lutfi Bilalli, Mehdi Bejtullahu, Mejreme Ismajli, Melihate Bashollie Latifi, Miljan Bojković, Nasuf Aliu, Nezir Klinaku, Qerim Selimi, Rrezarta Krasniqi, Sadije Bajgora, Safet Idrizi, Sami Istrefi, Shkëlzen Feka, Shpëtim Zhegrova, Teuta Aruç Shartari dhe Ymer Haradinaj

Të pranishëm në këtë mbledhje ishin edhe Kryetari i komunës, z.Xhafer Tahiri, Nënkyetari i komunës z.Besim Muzaqi, përfaqësuesi i KFOR-it, përfaqësuesi i OSBE-së, përfaqësues të mediave të shkruara dhe elektronike, përfaqësues të shoqërisë civile.

Mbledhjen e hapi dhe e kryesoi Nasuf Aliu – kryesues i kuvendit, i cili konstatoi se ka shumicë për punë dhe përmarrje të vendimeve të plotfuqishme, andaj procedoi me rendin e ditës.

Para fillimit të diskutimeve për rendin e ditës, dhanë betimin anëtarët e rinj të kuvendit: Kushtrim Hyseni, Agim Bregaj, Faton Shabani dhe Basri Menxhiqi, të cilët u bënë anëtarë me të drejta të plota.

Nasuf Aliu, kryesues i kuvendit – njoftoi kuvendin se anëtarja e kuvendit Arta Imeri, ka parashtruar në sekretarinë e kuvendit një deklaratë me të cilën informon se tani e tutje do t'i takojë grupit kuvendar të LDK-së.

Ilmi Azemi, anëtar i kuvendit – njoftoi se në saje të një takimi në zyrën e kryetarit të komunës, kishin tentuar të gjejnë një modus lidhur me përcaktimin e çelësit për themelimin dhe përbërjen e Komitetit për Politikë dhe Financa, por ajo nuk është arritur përfakt se propozimi i bëre nuk ishte në pajtueshmëri me ligjin, andaj përkënduej se kërkoi që pikë 7 dhe 8 të hiqen nga rendi i ditës dhe përkënduej se kërkohet interpretim ligjor nga MAPL-ja.

Nezir Klinaku, anëtar i kuvendit – duke iu referuar pikës në të ndryshme, paraqiti vërejtje për qeverinë komunale, për shkak të asaj se materiali qysh në mbledhjen e parë ishte vonuar sa i përket pikës: Propozim-vendimit për ndërrimin e destinimit të tokës bujqësore në tokë ndërtimore, megjithatë ai deklaroi se këtë pikë do ta përkrahnin. Lidhur me takimin e që kishin tek kryetari i komunës, ai theksoi se nëse është e nevojshme LB-ja mund të tjerhiqet nga

kërkesa e saj për të qenë pjesë e KPF-së, mirëpo rregullativa juridike siç është LVL-ja dhe udhëzimi administrativ përcaktojnë se në Komitetin për Politikë dhe Financa përfaqësimi duhet të shtrihet në të gjitha entitetet politike të përfaqësuara në kuvend.

Nasuf Aliu, kryesues i kuvendit – arsyetoi se pika në të ndryshme është ofruar për kuvend, pas procedimit të materialit, me qëllim që granti për projektin në fjalë të mos humbet, kjo pikë është proceduar në këtë formë.

Xhafer Tahir, Kryetar i komunës – pasi iu uroi suksese anëtarëve të rinj të kuvendit, sqaroi se në takimin në zyrën e kryetarit, asgjë nuk është diskutuar jashtë suazave ligjore dhe shtoi se në referim të ligjit dhe udhëzimit administrativ, ku kërkesa e ligjit është jo përfaqësim proporcional, por përfaqësim të të gjitha entiteteve politike të përfaqësuara në kuvend sa i përket përbërjes së Komitetit për Politikë dhe Financa. Andaj sipas propozimit të dhënë apo formulës që u diskutua në zyrën e kryetarit, përfaqësimi do të ishte i 32 anëtarëve nga 35 sa i ka kuvendi i komunës. Në fund kerkoi nga kuvendi që të ketë një dakordancë sa i përket propozimit për themelimin e Komitetit për Politikë dhe Financa.

Bahrije Ademi Murati, anëtar e kuvendit - propozoi që në pikën në të ndryshme të futet propozimi për themelimin e grupit joformal të grave në kuvendin e komunës.

Safet Idrizi, anëtar i kuvendit – tha se kishte me qenë mirë që të konsultohet MAPL-ja lidhur me pikën kontestuese për çelësin e themelimit të KPF-së, pasi që nuk dëshiron që në mbledhjen e parë të kuvendit të ketë mospajtime mes pozitës dhe opozitës, andaj kerkoi që propozimi për themelimin e KPF-së të shtyhet për mbledhjen e ardhshme dhe për këtë të merret opinioni ligjor i MAPL-së.

Qerim Selimi, anëtar i kuvendit – tha se e mbështet diskutimin e parafolësit, dhe shtoi se grupit kuvendar të PDK-së si grapi më i madh politik në kuvend, i takojnë tre (3) anëtarë në Komitetin për Politikë dhe Financa, por nëse një anëtar i jepet LB-së, atëherë prapë do të ishte në rregull dhe kjo nuk do të paraqiste ndonjë problem. Në fund ai ceku dhe apeloi për një koordinim më të mirë të grupit kuvendar të PDK-së për çështje që janë objekt shqyrtimi në kuvendin e komunës.

Ymer Haradinaj, anëtar i kuvendit – njoftoi se shefe e grupit kuvendar të LVV-së do të jetë znj. Bahrije Ademi Murati.

Hysni Gërguri, anëtar i kuvendit - njoftoi se shef i grupit kuvendar të LDK-së, është caktuar të jetë z. Shkelzen Feka.

Basri Menxhiqi, anëtar i kuvendit – njoftoi kuvendin se shef i grupit kuvendar nga radhët e AAK-së, është caktuar z. Lutfi Bilalli.

Nezir Klinaku, anëtar i kuvendit – tha se duke u bazuar në legjislacionin në fuqi, termi grup parlamentar nuk është i sankzionuar, mirëpo termi grup kuvendar është i përcaktuar me Statutin e komunës, andaj në situatat kur kemi konflikt mes dispozitave të ligjit dhe statutit, atëherë përparësi në zbatim do të kenë dispozitat e ligjit.

Xhafer Tahiri, Kryetar i komunës – tha se kanë ndërtuar një koalicion më të gjerin që njeh historia e paslufës e Komunës së Vushtrrisë, dhe krejt kjo me të vëtmin qëllim që Komunës së Vushtrrisë t'i sigurojmë një stabilitet politik, një qasje dhe qeverisje ndryshe. Tështo se shtyrja përpëra e agjendës qeverisëse kërkon bashkërendim të aktiviteteve të gjithsecilit bartës të funksioneve publike dhe të zgjedhurve nga ana e qytetarëve, andaj ai pret nga secili që të punojnë bashkë në interes të qytetarit të Komunës së Vushtrrisë. Në vazhdim ai paraqiti një rezyme lidhur me të emëruarit në drejtoritë komunale: ku ceku se Nënkyetar i Komunës është emëruar z. Bsim Muzaqi, z. Adnan Lahu, drejtor i Drejtorisë për Gjeodezi, Kadastër dhe Pronë; z. Afrim Namani, drejtor i Drejtorisë për Arsim; z. Bajrush Kosumi, drejtor i Drejtorisë për Mbrojtje dhe Shpëtim; z. Berat Asllani, drejtor i Drejtorisë për Inspekte; z. Berat Sadiku, drejtor i Drejtorisë për Urbanizëm dhe Mbrojtje të Mjedisit; znj. Fatmire Cecelia, drejtoreshë e Drejtorisë për Kulturë, Rini dhe Sport; z. Lutfi Gërguri, drejtor i Drejtorisë për Buxhet dhe Financa; z. Mehmet Selaci, drejtor i Drejtorisë për Administratë; z. Miran Halili, drejtor i Drejtorisë për Ekonomi, Bujqësi. Pylltari dhe Zhvillim Rural; znj. Saranda Cakaj, drejtoreshë e

Drejtorisë për Prokurim Publik; z. Sedat Rashica, drejtor i Drejtorisë për Shërbime Publike dhe z. Sylejman Mehollı, drejtor për Shëndetësi dhe Përkujdesje Sociale.

Safet Idrizi, anëtar i kuvendit – në emër të grupit kuvendar të PDK-së deklaroi se tërhiqen nga propozimi që të hiqen nga rendi i ditës pikat 7 dhe 8, andaj propozoi që vazhdohet me procedimin e rendin e ditës ashtu si është ofruar nga ana e kryesuesit të kuvendit.

Pas debatit lidhur me rendin e ditës, Kuvendi i Komunës së Vushtrrisë në mënyrë “unanime” aprovoi këtë:

R E N D D I T E

1. Shqyrtimi dhe aprovimi i procesverbalit nga mbledhja e rregullt e kuvendit të komunës i datës 28.09.2017;
2. Shqyrtimi dhe aprovimi i procesverbalit nga mbledhja inaugurese e kuvendit i datës 20.12.2017;
3. Shqyrtimi i Draft-planit i punës së Kuvendit të Komunës së Vushtrrisë për vitin 2018;
4. Shqyrtimi i Draft-planit i punës të Kryetarit të komunës për vitin 2018;
5. Shqyrtimi i Raportit tremujor mbi të hyrat dhe shpenzimet buxhetore;
6. Shqyrtimi i Planit të veprimit mbi rekonditimet e Auditorit të Përgjithshëm;
7. Shqyrtimi i Propozim-vendimit për themelimin e Komitetit për Politikë dhe Financa;
8. Shqyrtimi i propozimeve për formimin e komisionit për ndarjen e bursave për studentë dhe shpërblime për nxënës;
9. Të ndryshme.
 - a). Shqyrtimi i Propozim-vendimit për ndërrimin e destinimit të tokës bujqësore në tokë ndërtimore;
 - b). Shqyrtimi i propozimit për themelimin e grupit joformal të grave deputete.

1. Shqyrtimi dhe aprovimi i procesverbalit nga mbledhja e rregullt e kuvendit të komunës i datës 28.09.2017

Pas shqyrtimit të kësaj pike të rendit të ditës, Kuvendi pas votimit në mënyrë “unanime” aprovoi procesverbalin nga mbledhja e rregullt e kuvendit, e datës 28.09.2017.

2. Shqyrtimi dhe aprovimi i procesverbalit nga mbledhja inaugurese e kuvendit, i datës 20.12.2017

Pas shqyrtimit të kësaj pike të rendit të ditës, Kuvendi pas votimit në mënyrë “unanime” aprovoi procesverbalin nga mbledhja inaugurese e kuvendit, e datës 20.12.2017;

3. Shqyrtimi i Draft-planit të punës së Kuvendit të Komunës së Vushtrrisë për vitin 2018

Lutfi Gërguri, drejtor i DBF-së - propozoi që raporti për të hyrat dhe shpenzimet buxhetore, në muajin korrik të emërtohet raport gjashtëmujor, në muajin tetor raport nëntëmujor, kurse në muajin dhjetor të emërtohet raport vjetor.

Lidhur me këtë pikë të rendit të ditës, Kuvendi pas votimit në mënyrë “unanime” aprovoi Planin e Punës të Kuvendit të Komunës së Vushtrrisë për vitin 2018, me propozimin e parashtruar më lart.

4. Shqyrtimi i Draft-planit i punës të Kryetarit të komunës për vitin 2018

Xhafer Tahiri, Kryetar i komunës – tha se Plani i Punës i Kryetarit të Komunës për vitin 2018, është bërë publik në faqen zyrtare të Komunës së Vushtrrisë, por edhe në mediat lokale, në mënyrë që të marrim sa më shumë impute nga qytetarët tanë, ashtu që të bëjmë një plan sa më të kompletnuar. Qeverisja e re e Komunës së Vushtrrisë ka për synim parësor rritjen e transparencës, llogaridhënieve dhe cilësisë së shërbimeve të komunës për qytetarin. Me këtë plan synoj të ofroj një shans të barabartë për të gjithë qytetarët e komunës, i cili është një udhërrëfyes për një komunë të hapur dhe të barabartë për të gjithë qytetaret e saj. Kryetari i komunës i ushtron kompetencat dhe përgjegjësitë e tij në pajtim me LVL-në, Statutin e Komunës së Vushtrrisë, vendimet e kuvenit dhe aktet tjera nënligjore, gjithnjë duke pasur parasysh interesin për komunën dhe qytetarin. Tujë shtoi se plani i punës shërben si dokument bazë për punën njëvjeçare të kryetarit të komunës dhe të qeverisjes komunale. Si dokument është një reflektim i angazhimit të vazhdueshëm për t'i kanalizuar nismat për planifikim të objektivave, përkatësish prioritetëve të cilat do të mund të realizohen bazuar në planifikimin buxhetor të vitit 2018, e që ka për qëllim final përmirësimin e cilësisë së jetesës për të gjithë qytetarët në komunën tonë. Ky plani i punës përmban objektiva afatgjate, përmes të cilave synohet të vihen themelet e transformimit të qytetit në një qytet modern, por që ruan traditën dhe identitetin e vetë, kurse realizimi i tyre do të fillojë në vitin 2018, por që përbyllja e tyre do të marrë kohen e vetë. Mandej plani përmban projekte konkrete, si dhe veprime specifike si në administratë ashtu edhe në infrastrukturë, por që janë pashmangshëm të ndikuara nga planifikimi buxhetor i qeverisjes së kaluar, i hartuar dhe i aprovuar në vitin paraprak. Pastaj vlerësoi se ky plan ka edhe kufizimet e veta ku ndër kryesoret është se planifikimi buxhetor është bërë nga qeverisja e kaluar, andaj si rezultat i kësaj disa nga pikat e këtij plani do mund të realizohen vetëm pas muajit qershor kur do të bëhet rishikimi i buxhetit të komunës. Përbushja e këtij plani natyrisht se i ka edhe sfidat e veta, por beson që me një angazhim të përbashkët të të gjithëve mund të arrihen rezultate konkrete dhe kështu të përmirësohet cilësia e shërbimeve në komunë, por edhe të përmirësohet mirëqenia e qytetarit. Po ashtu ky plan paraqet prioritetet kryesore të kryetarit të komunës dhe qeverisë komunale për periudhën njëvjeçare dhe jep përbledhje të objektivave dhe aktivitetëve të planifikuara dhe realizmin e tyre duke i përcaktuar edhe afatet kohore për kryerjen e secilit prej aktivitetëve dhe objektivave të parapara, por i cili plan përgjatë vitit 2018 është dinamik dhe mund të plotësoshet gjatë gjithë vitit duke synuar arritjen e objektivave të reja. Në vazhdim ai njoftoi kuvenit se ndër prioritetet kryesore të këtij plani janë të përbledhura gjithsej në dyzetë pika, e të cilat si më kryesoret janë: menaxhimi transparent dhe efektiv i buxhetit të komunës, rritja e të hyrave vetanake, transparenca në shpenzime dhe llogaridhënia, efikasiteti lidhur me punën e organeve të komunës, digitalizimi i shërbimeve në administratë, eliminimi i pritjeve të qytetarëve për të marrë dokumentet që i kërkojnë nga komuna, realizimi i të hyrave të planifikuara buxhetore dhe të gjitha formave dhe mundësive të burimeve të tjera të të hyrave për komunën, rritja e të hyrave vetanake të komunës, furnizimi me ujë në qytet dhe fshatra, angazhimet për funksionalizimin e zonës ekonomike (parkut të biznesit) në fshatin Lumadh, iniciimi i studimit të fizibilitetit për Qendrën historike të Vushtrrisë, iniciimi i studimit të fizibilitetit për tregun për prodhuesit vendorë në Komunën e Vushtrrisë, ngritja e cilësisë në arsim, ngritja e sigurisë dhe luftimi i dukuriive devijante në shkolla, ngritja e cilësisë së punës në institucionet e arsimit parashkollor, fillor dhe të mesëm, investimet në bujqësi me qëllim të rritjes së prodhimit tarisë bujqësore dhe përmirësimi i cilësisë së atyre prodhimeve, rritja e vetëpunësimit, modernizimi i bujqësisë përmes organizimit të trajnimeve dhe këshillimeve profesionale, dhe subvencionimet e drejta për bujqit e komunës sonë, përkrahja e ndërmarrjeve të vogla dhe të mesme, si dhe start-up me qëllim të rritjes së vetëpunësimit dhe zhvillimit ekonomik në komunë, funksionalizimi i Qendrës inovative të Vushtrrisë, avancimi i infrastrukturës sportive, organizimi i festivalit të kulturës dhe diasporës "Viciona" organizimi i panairit të patates.

organizimi i praktikës për të rinjtë, iniciimi i planit pesëvjeçar për adresim të strehimit për familjet pa strehim, zbatimi i kritereve ligjore dhe nevojave të qytetarëve në urbanizëm, vendosja e rendit dhe ligjit në ndërtimet e larta në qytet, fillimi i zbatimit të pagesës për shpenzimet e varrimit për qytetarët e komunës sonë, implementimi i planit për pastërti në qytet, heqja e monopoleve, hapja e tregjeve dhe futja e konkurrencës në tregun e menaxhimit të mbeturinave në komunën tonë, reduktimi i shpenzimeve dhe shpenzim racional i shpenzimeve të mjeteve publike, raportim të rregullt në kuvendin e komunës lidhur me të hyrat e komunës, realizimin e projekteve kapitale sipas afateve kohore, angazhim për shpenzimin njëqind për qind të mjeteve buxhetore në kategorinë e investimeve kapitale, sidomos të mjeteve të grantit qeveritar, me qëllim të zhvillimit të qytetit, intensifikimi i bashkëpunimit me organet e pushtetit qendor për implementimin e projekteve, të cilat janë paraparë të financohen nga buxheti i Republikës së Kosovës, në veçanti projektet dyvjeçare dhe trevjeçare (posaçërisht përmendi ndërtimin e objektit të Qendrës së Kulturës, e cila prezantohet të humbet si projekt pasi që procedurat e prokurimit janë përfunduar, por nuk ka pasur zotim të mjeteve të duhura financiare nga Ministria e Kulturës). Pastaj në plan janë përcaktuar masat për lirimin e pronave të uzurpuara, si dhe angazhimi për gjetjen e investorëve sidomos në lëmin e bujqësisë, implementimi i sistemit për ujite nga hidro-sistemi "Ibër lepenc" në fshatrat Samadrexhë dhe Pantinë, mbrojtja e pyjeve, rritja e hapësirave gjelbëruese, ndërtimi i rrjetit të kanalizimit në zonat rurale, por edhe në qytet, angazhimi për gjetjen e investorëve për investime për ndërtimin e kolektorit kryesor buzë lumi "Silnica" dhe impiantit përpunimin e ujërave të zeza në qytet, menaxhimi më i mirë i mbeturinave, duke marrë për bazë planin për menaxhimin e mbeturinave, ofrimin e shërbimeve sa më cilësore sa i përket shërbimeve nga gjendja civile, ngritura e kapacitetave dhe cilësisë së shërbimeve shëndetësore, avancimi i aktiviteteve kulturore dhe sportive, ofrimi i mbështetjes për klubet sportive dhe organizatat rimore, bashkëpunimi me organet e nivelit qendor me ministritë e linjës në aspektin e zbatimit të ligjshmërisë, bashkëpunimi me KFOR-in dhe Policinë e Kosovës në aspektin e sigurisë së përgjithshme dhe bashkëpunimi me shoqërinë civile. Në fund tha se të gjitha asfatet dhe kostot financiare janë paraparë në formë tabelare dhe ftoi kuvend që ta mbështesë këtë plan.

Nezir Klinaku, anëtar i kuvendit – tha se paragrafi i tetë i këtij plani ku thuhet se qeveria aktuale është e kufizuar për shkak se qeverisja e kaluar e ka bërë planifikimin e buxhetit, sipas mendimit të tij është i pavend dhe kjo është bërë me qëllim që në rast të dështimit të përbushjes së këtyre projekteve, atëherë të fajësohet qeveria e kaluar. Të vlerësoi se duhet të kemi specifikim të projekteve, sidomos ato të rrjetit të kanalizimit dhe jo ato të jepen në shuma kumulative, e më pastaj ato të orientohen sipas parimit politik dhe partiak. Mandej njoftoi se sipas sistemit të adresave të gjitha rrugët e komunës janë të emëruara dhe tani ofrohen projekte si p.sh rrugët në fshatin Bivolak dhe nuk dihet se për cilat rrugë bëhet fjalë, andaj në këtë kontekst kërkoi që këto gjëra të precizohen saktë me qëllim që më vonë mos të ketë mundësi të manipulimit në orientimin e projekteve.

Safet Idrizi, anëtar i kuvendit – vlerësoi se plani i punës së kryetarit është një plan mirë i strukturuar dhe si i tillë del të jetë i kompletar dhe për këtë shprehu përgëzime për kryetarin e komunës. Në vazhdim ceku se cilësia në arsim dhe shëndetësi, plani për pastërtinë e qytetit, hapja e tregjeve dhe futja e konkurrencës në tregun e menaxhimit të mbeturinave në komunë, duhet të shpallen si prioritet i lartë. Mandej shfrytëzimi racional i drejtë dhe i ligjshëm i pronave (tokave dhe objekteve) në pronësi të komunës përmes dhënieve në shfrytëzim, me qëllim të zhvillimit ekonomik dhe të krijimit të vendeve të reja të punës, dhe rritjen e të hyrave buxhetore. Lirim i pronave të komunës, të cilat janë të uzurpuara, duhet gjithashtu të janë prioritet për qeverisjen komunale, dhe për ketë duhet të ngriten kapacitetet në drejtorinë gjegjëse. Pastaj duhet të bëhet rritja e subvencioneve në lëmin e bujqësisë, por gjithashtu duhet të ngriten mekanizmat e monitorimit të këtyre subvencioneve, si dhe të shikohet efekti praktik i këtyre subvencioneve në ndikimet në gjenerim ekonomik dhe punësim. Në fund tha se sa i

përket fushës së shëndetësisë është mirë që përveç grantit specifik të shëndetësisë të kemi rritje të mjeteve për këtë qëllim, ashtu që të bëhet ngritja e cilësisë së shërbimeve shëndetësore. Mejreme Ismajli, anëtar i kuvendit – propozoi që në plan të futet si pikë subvencionimi i nënave shtatzëna dhe fëmijëve të porsalindur, kjo të bëhet me qëllim të ngritjes së natalitetit. Ilmi Azemi, anëtar i kuvendit – tha se qeveria e kaluar ka hartuar dhe aprovuar buxhetin e komunës, dhe planifikimi i hartimit të këtij buxheti është bërë në mënyrën më të mirë të mundshme, dhe për këtë është ndërtuar një bazament i shëndetshëm për vijimësinë e realizimit të projekteve të ardhshme. Tujë ai duke iu referuar pikës së 19 të planit, ku bëhet fjalë për fillimin e zbatimit të pagesës për shpenzimet e varrimit për qytetarët e komunës, ceku se vendimi për këtë çështje është marrë nga mandati i kaluar dhe janë planifikuar mjetet financiare nga kodi ekonomik përkatës për realizimin e këtyre shërbimeve, por si duket kemi ngecje në këtë drejtim. Çështje tjetër mjaft shqetësuese është se edhe përkundër faktit se janë paraparë mjete për realizimin e transportit të nxënësve, deri më tani nuk kemi asnje aktivitet të prokurimit për realizimin e këtyre shërbimeve. Në vazhdim ai paraqiti të dhëna statistikore për secilin kod ekonomik dhe për secilën kategori ekonomike, duke shtuar se këto mjetet janë planifikuar dhe aprovuar nga qeveria e kaluar, por tani në këtë moment duke marrë për bazë përbërjen e kësaj qeverie, vlerësoi se do të jetë tepër sfiduese realizimi i projekteve. Tujë vlerësoi se modeli aktual i qeverisjes është unik për qytetin pasi që siç tha ai janë bashkuar të gjithë humbësit e zgjedhjeve dhe po qeverisin komunën. Pastaj ai vlerësoi se deri në momentin kur po flasim, qeveria, përkatësish Drejtoria e Prokurimit nuk ka zhvilluar asnjë aktivitet të prokurimit, dhe kjo seriozisht e vë në dyshim realizmin e projekteve. Lidhur me ndërtimin e objektit të Qendrës së Kulturës "Hasan Prishtina" ceku se të gjitha procedurat e prokurimit janë përfunduar, është përgjedhur operatori ekonomik dhe në bazë të marrëveshjes që ka komuna me Ministrinë e Kulturës mjetet do të alokohen në fazë dhe se ky projekt do të përfundohet. Mirëpo në rast se komuna refuzon ta nënshkrue kontratën lidhur me këtë projekt, atëherë do t'i bartë konsekuençat për shkak se operatori ekonomik do ta padisë komunën. Në fund tha se është skeptik në kapacitetet që ka qeveria aktuale dhe shtoi se do të dëshironte që gjërat të ishin më mirë, por në të njëjtën kohë shprehu se është i gatshëm që të japë kontributin e tij që gjërat të shkojnë më mirë.

Qerim Selimi, anëtar i kuvendit – tha se plani i punës i kryetarit të komunës është ky që është, dhe ai bazohet në planifikimet e mëhershme buxhetore, dhe për këtë qeveria aktuale e ka një lehtësi në realizimin e projekteve. Tujë shtoi se pas gjashtëmuajorit të parë kjo qeveri do të mund ta rishikojë buxhetin edhe eventualisht të bëjë ndonjë ndryshim. Pastaj ceku se në faqen 5 të këtij plani, ku janë paraparë blerja e disa makinave, për të cilat propozoi që këto mjetet të shfrytëzohen për rregullim të objekteve shkollore, për faktin se kjo do të ishte më e arsyeshme. Në fund tha se vërejtjet e bëra është mirë që të merren për bazë, me qëllim që të kemi një plan sa më të mirë.

Melihate Basholli, anëtar e kuvendit – tha se ky dokument do të ishte mirë të lekturohet me qëllim që kur të publikohet të jetë i spastruar nga gabimet teknike. Pastaj në faqe 11, furnizimi i bibliotekave me libra, propozoi që këto biblioteka të furnizohen me lektyra shkollore që janë obligative për nxënësit. Mandej përgjedhja e librave duhet të bëhet nga profesionistë përfaktin se me zhvillimin e shoqërisë njerëzore edhe kërkesat e nxënësve për këto libra ndryshojnë. Në kategorinë furnizimi me pajisje për shkolla, propozoi që të futet edhe furnizimi me libra i bibliotekave të shkollave. Në fund tha se duhet të bëhet specifikimi i projekteve (ASFALTIMI I RRUGËVE), dhe në këtë duhet të ketë qasje edhe kuvendi i komunës.

Ymer Haradinaj, anëtar i kuvendit – duke iu referuar vlerësimëve se në qytetin e Vushtrrisë po qeverisin humbësit, ceku se sikur në ndeshjet sportive ku loja zhvillohet në pjesë dhe pjesa e dytë zakonisht është vendimtare, andaj edhe në rastin e qeverisjes në Vushtrri ka rezultuar që pjesa e dytë të jetë vendimtare. Tujë shtoi se është mirë që në plan është përfshirë komponentja për ngritjen e cilësisë në arsim, kurse kjo bëhet vetëm duke u angazhuar të gjithë mekanizmat që janë kompetentë për këtë çështje. Pastaj ai informoi kuvendin se që nga viti 2008 ka shkolla

në komunën tonë që nuk i kanë të themeluar këshillat e shollës. Për këtë kërkoi që këta mekanizma të themelohen konform rregullativës juridike në fuqi. Sa i përket specifikimit dhe orientimit të projekteve kapitale, atëherë një rol me rëndësi duhet të kenë edhe këshillat e fshatrave për faktin se këto forume janë zgjedhur në mënyrë demokratike dhe në të shumtën e rasteve këto këshilla janë apolitik, andaj është e udhës që të merret mendimi i tyre gjatë vendosjes së projekteve. Në fund ai kërkoi sqarime lidhur me një rrugë, e planifikuar të rregullohet e cila thuhet se kalon nga fshati Stanoc i Epërm në fshatin Lumadh Prelluzhë-Gracë dhe se kjo lidhje nuk mund të ketë logjikë për shkak se kjo rrugë nuk mund të lidhë këto fshatra pa kaluar në fshatin Stanoc i Poshtëm. Gjithashtu ai shprehu keqardhje se në fshatrat Stanoc i Epërm, Stanoc i Poshëm, Lumadh dhe Gracë nuk është planifikuar asnje rrugë të ndërtohet kur kihet parasysh fakti se këto janë bashkësítë më të mëdha lokale.

Mehmet Selaci, drejtor i Drejtorisë së Administratës - tha se kur flasim për Drejtorinë e Administratës, ku janë përfshirë sektori i gjendjes civile, Zyra për punë të përbashkëta dhe IT, Qendra për shërbim për qytetarë, por nuk është përfshirë edhe Zyra për barazi gjinore dhe drejta të njeriut, andaj kërkoi që edhe kjo të përfshihet në plan.

Sami Istrefi, anëtar i kuvendit – tha se nëse shikohet ky plan dhe aktivitet që janë caktuar, del se kryetari i komunës ka përcaktuara tjetra aktivitete dhe prioritete që janë të përcaktuara me ligji, statut, e që hyjnë në fushën e përgjegjësive të drejtoreve komunale, por edhe në kompetencat ekzekutive të kryetarit të komunës të përcaktuara me Ligjin për Vetëqeverisje Lokale. Në fakt në këtë plan është dashur të kemi një përshkrim veç e veç të përgjegjësive të drejtoreve komunale dhe në kumulativ të kemi një plan unik të qeverisë komunale, ashtu që mos të kemi aktivitete të ndara në dysh, aktivitete tjetra kryetari i komunës, dhe tjetra aktivitete drejtore të komunale. Bazuar në buxhetin e komunës për vitin 2018, ku janë përcaktuari mjetet për secilën organizatë buxhetore dhe zyrat tjetra, ku në këtë plan është përfshirë lista e buxhetit për secilën drejtori komunal, në Drejtorinë e Prokurimit është dhënë lista e përgjithshme e projekteve, kurse në drejtoritë tjetra janë përshkruar tjetra prioritete që dallojnë nga ato të planifikuara në buxhet. Andaj për këtë propozoi që këtij plani t'i bashkëngjitet edhe buxheti i komunës me të gjitha projektet kapitale për vitin 2018. Mandej ceku se në këtë plan duhet të futet edhe analiza e tokës përfaktin se ky projekt është premtuar në fushatën zgjedhore nga kryetari i komunës. Gjithashtu propozoi që në plan të inkorporohet edhe subvencionimi për ujitjen e tokës që do të ndikonte në rritjen e rendimentit për bujqit tanë. Kur bëhet fjalë për kompetencat e komunës si person juridik, këtu përfshihet edhe Zyra e auditorit të brendshëm, në plan askund nuk është përmendur se cilat do të janë aktivitetet e kësaj zyre, apo cilat do të jetë lidhja e kryetarit të komunës në raport me auditimin e brendshëm, gjë kjo që rregullohet me Ligjin për Auditimin e Brendshëm. Në plan duhet të inkorporohet edhe aktivitetit i Zyrës për barazi gjinore. Në faqe 45 të këtij plani kontrolli i ligjshmërisë në sektorin e ndërtimit ku janë planifikuar kontolle në muajin mars dhe prill, përfakti që kjo të jetë permanent dhe mos të kemi kufizim në kohë, sepse nëse vetëm në këta muaj do të kemi ndërmarrje të masave, atëherë do të shkaktohen probleme të mëdha përfkomunën. Në fund tha se në faqen 54 të planit ku janë përshkruar përgjegjësitë e Drejtorisë për Mbrojtje dhe Shpëtim, propozoi që këto përgjegjësi të renditen afér drejtoreve tjetra komunale.

Lutfi Bilalli, anëtar i kuvendit – tha se plani i punës dallon nga programi, dhe shtoi se ky plan është mjaft voluminoz ku janë adresuar shumë objektiva, të cilat janë planifikuar të realizohen. Të tjerë shtoi se me këtë plan rëndësi të veçantë duhet t'i kushtohet çështjeve ambientale, dhe atyre të higjienës nëpër lokalet ku konsumohet ushqimi përfshak se këto interferojnë në instancë të fundit në shëndetin e qytetarëve tanë. Pastaj ai vlerësoi se polarizimet jo ekstreme mes pozitës dhe opozitës janë të shëndetshme dhe ato kontribuojnë në kultivimin e vlerave dhe ngritjen e vetëdijes në përmirësimin e jetës së qytetarëve. Në fund ai deklaroi se e mbështet në parim planin e punës të kryetarit përfitor 2018.

Sylejman Mehollli, drejtor i DSHPH-së - duke u bazuar në planin e punës së kryetarit, pjesa ku flitet përfshirë e shëndetësisë, rekomandoi që të bëhet harmonizimi i afateve kohore sa i

përket realizimit të projekteve kapitale në lëmin e shëndetësisë me planin e Drejtorisë së Prokurimit dhe planin e rrjedhës së parasë, përfaktin se ka ndryshim të afateve kohore. Në fund ai u shpreh se pa dashur të bëjmë anime politike, në planin e kaluar në lëmin e shëndetësisë ka pasur ide të mira siç është ideja përkontolle sistematike shëndetësore nëpër shkolla, mandej edukimi shëndetësor dhe ide tjera përcilat ai përçoi përgëzime.

Xhafer Tahiri, Kryetar i komunës – pasi shprehu falënderimin e tij ndaj grupit kuvendar të PDK-së përkonstruktivitetin dhe mbështetjen e dhënë për planin e punës, shtoi se pa dashur të polemizojë, vlerësoi se ka qenë praktikë jo e mirë në të kaluarën që projektet kapitale qoftë në rrugë apo në infrastrukturë në përgjithësi kanë shkuar në kuvend si kumulativ apo të paspecifikuara. Tjetje ai ceku se detyrën së kryetari i komunës e ka pranuar më datë 20 dhjetor, dhe ka qenë një kohë shumë e kufizuar përhartimin e një plani ku do të adresoheshin të gjitha temat, përkëtë ceku se rasti më eklatant është ai i rrugës në fshatin Stanoc i Epërm e referuar nga një anëtar i kuvendit. Në vazhdim ai vlerësoi se planifikimi i buxhetit përvitet ardhshme nuk do të bëhet sikur është bërë nga qeveria e kaluar, kur nga një shumë simbolike e mjeteve financiare është shpërndarë nëpër fshatrat e komunës e që në realitet me ato mjete nuk ka mundur të përfundohet asnjë projekt në mënyrë të mirëfilltë. Ngrijja e cilësisë në arsim do të jetë prioritet i lartë dhe përkëtë u zotua para kuvendit, këtë e dëshmon fakti se para se të hartohej ky plan ai është konsultuar me një grup të mësimdhënësve të komunës sonë. Lidhur me mbulimin e shpenzimeve të ceremonisë së varrimit njoftoi se gjatë ditës së sotme do të nënshkruhet memorandumi me Këshillin e Bashkësisë Islame në Vushtrri. Transporti i nxënësve është një çështje e përfunduar ku tenderi tashmë është dërguar për shpallje dhe kjo çështje do të përbillyet shumë shpejt. Sa i përket investimeve në bujqësi koncepti i qeverisjes aktuale dallon nga ajo e së kaluarës, p.sh kostoja financiare e projektit përvitet e tokës është 100.000,00 € dhe tani ky projekt nuk mund të figurojë në planin e punës përfaktin se mungojnë mjetet, porse ato do të planifikohen në saje të rishikimit të buxhetit. Për projektin analiza e tokës, është duke u angazhuar në gjetjen e donatorëve të huaj, në këtë rast njoftoi se tani komuna Jonë ndodhet në një garë përfitimin e një donacioni në vlerë prej 200.000,00 € nga USAID-i amerikan përbujqit e Vushtrrisë, në kultura të reja që nuk janë kultivuar deri më tanë, kurse kriteri kryesor përfitimin e këtij donacioni do të jetë analiza e tokës dhe përkrahja profesionale përtë ta. Sa i përket projekteve përvitet studimin e fizibilitetit të tregut dhe fizibilitetin përvitet Qendrën historike të qytetit, këto projekte do të mund të financohen nga kategoria e mallrave dhe shërbimeve. Ndërsa sa i përket qendrës së kulturës deklaroi se nuk do të lejon që ky objekt të rrënohet pa u siguruar buxheti përfundimin e këtij projekti, pavarësisht se kush i ka zhvilluar procedurat në një periudhë tepër të ndjeshme të këtij projekti si njëri ndër projektet më kapitale të Qytetit të Vushtrrisë. Pastaj ai sqaroi se në memorandumin e lidhur mes Komunës së Vushtrrisë dhe Ministrisë së Kulturës thuhet se kjo e fundit do t'i sigurojë 300.000,00€ përvitet më qendrës së kulturës, kurse në Ligjin e buxhetit janë planifikuar vetëm 50.000,00 € dhe ky planifikim e rrezikon seriozisht përfundimin e këtij projekti.

5. Shqyrtimi i Raportit tremujor mbi të hyrat dhe shpenzimet buxhetore

6. Shqyrtimi i Planit të veprimit mbi rekomandimet e Auditorit të Përgjithshëm

7. Shqyrtimi i Propozim-vendimit përkontolle sistematike shëndetësore

Nasuf Aliu, kryesues i kuvendit – propozoi çelësin apo formulën e përbërjes të Komitetit përkontolle sistematike shëndetësore, dy anëtarë nga radhët e PDK-së, dy anëtarë nga radhët e LVV-së, dy anëtarë nga radhët e LDK-së, një anëtar nga radhët e AAK-së dhe një anëtar nga radhët e LB-së. Por në këtë kontekst ai kërkoi nga subjektet politike që ta respektojnë parimin e përfaqësimit gjinor.

Ilmi Azemi, anëtar i kuvendit – në emër të grupit kuvendar të PDK-së, tha se përkundër faktit se si grup politik iu takojnë tre anëtarë në KPF, por për hir të deblllokimit të situatës, atëherë ata do të marrin pjesë në votim, dhe për anëtar të KPF-së ai propozoi Shpëtim Zhegrovën dhe Melihate Bashollit-Latifin.

Bahrije Ademi Murati - në emër të grupit kuvendar të LVV-së propozoi që pjesë e Komitetit për Politikë dhe Financa të janë Fjolla Ujkani dhe Ymer Haradinaj.

Hysni Gërguri, anëtar i kuvendit – në emër të grupit kuvendar të LDK-së propozoi që pjesë e Komitetit për Politikë dhe Financa të janë Rrezarta Krasniqi dhe Shkelzen Feka.

Basri Menxhiqi, anëtar i kuvendit – në emër të grupit kuvendar të AAK-së propozoi Lutfi Bilallin për anëtar të Komitetit për Politikë dhe Financa.

Sadije Bajgora, anëtare e kuvendit – propozoi Nezir Klinakun për anëtar të Komitetit për Politikë dhe Financa.

Lidhur me këtë pikë të rendit të ditës, Kuvendi pas votimit në mënyrë “unanime” vendosi me sa vijon:

1. Me këtë vendim emërohen anëtarët e Komitetit për Politikë dhe Financa (KPF) të Kuvendit të Komunës së Vushtrri, në këtë përbërje:

- 1.1 Nasuf Aliu, kryesues i kuvendit dhe i KPF-së;
- 1.2 Shpëtim Zhegrovë, anëtar (PDK);
- 1.3 Melihate Bashollit, anëtare (PDK);
- 1.4 Fjolla Ujkani, anëtare (LVV);
- 1.5 Ymer Haradinaj, anëtar (LVV);
- 1.6 Rrezarta Krasniqi, anëtare (LDK);
- 1.7 Shkelzen Feka, anëtar (LDK);
- 1.8 Lutfi Bilalli, anëtar (AAK);
- 1.9 Nezir Klinaku, anëtar (LB).

2. Për zbatimin e këtij vendimi obligohen: Drejtoria për Buxhet dhe Financa dhe Sekretaria e kuvendit.

3. Ky vendim hyn në fuqi në ditën e aprovimit dhe nënshkrimit nga kryesuesi i kuvendit.

8. Shqyrtimi i propozimeve për formimin e komisionit për ndarjen e bursave për studentë dhe shpërblime për nxënës

Habibe Gérxhaliu, anëtare e kuvendit - propozoi që Qerim Selimi nga radhët e opozitës të jetë anëtar i komisionit për ndarjen e bursave për studentë dhe shpërblime për nxënës.

Bahrije Ademi Murati - propozoi që Gresa Muli nga radhët e pozitës të jetë anëtare e komisionit për ndarjen e bursave për studentë dhe shpërblime për nxënës.

Lidhur me këtë pikë të rendit të ditës, Kuvendi pas votimit në mënyrë “unanime” vendosi me sa vijon:

Kuvendi i Komunës së Vushtrrisë në mbledhjen e mbajtur më datë 25 janar 2018, pas shqyrtimit të propozimeve për formimin e Komisionit komunal për ndarjen e bursave për studentë dhe shpërblimet për nxënës, konform Rregullores për Ndarjen e Bursave Nr.86/15 e datës 30.04.2015, ka aprovuar propozimet për zgjedhjen e anëtarëve të këtij komisionit nga radhët e kuvendit, dhe atë znj. Gresa Muli nga radhët e pozitës, kurse z. Qerim Selimi nga radhët e opozitës.

9.Të ndryshme

- a). Shqyrtimi i Propozim-vendimit për ndërrimin e destinimit të tokës bujqësore në tokë ndërtimore

Lidhur me këtë pikë të rendit të ditës, Kuvendi pas votimit në mënyrë “unanime” vendosi me sa vijon:

1. Me këtë vendim lejohet ndërrimi i destinimit nga toka bujqësore në tokë ndërtimore në parcelën kadastrale: nr.P-70202034-00018-0, me kulturë arë e klasës së 5 (pestë), në sipërfaqe prej 300 m² të marrë nga sipërfaqja e përgjithshme 3469 m² sipas projektit konceptual të prezantuar nga byroja projektuese, Zona Kadastrale Zagorë, pronë e Suzanë Maqastenës.

2. Qëllimi i lejimit për ndërrimin e destinimit të tokës bujqësore në tokë ndërtimore në parcelën kadastrale, të cekur si në pikën 1 të këtij vendimi, është ndërtimi i objektit ekonomik P+0 për kultivimin-përpunimin dhe paketimin e bimës së “Aronisë”.

3. Lejen ndërtimore dhe kushtet për rregullimin e hapësirës për ndërtimin e objektit nga pika 2 e këtij vendimi, do ta lëshojë dhe përcaktojë konform dispozitave ligjore Drejtoria për Urbanizëm dhe Mbrojtje të Mjedisit pas pagesës së tarifës për ndërrim të destinimit të tokës bujqësore.

4. Obligohenet pronari i parcelës nga pika 1 e këtij vendimi që të bëjë pagesën e tarifës për ndërrim të destinimit të tokës bujqësore sipas nenit 14.2 nën "b" të Udhëzimit Administrativ për ndërrimin e destinimit të tokës bujqësore Nr.41/2006, përmes Drejtorisë për Ekonomi, Bujqësi, Pylltari dhe Zhvillim Rural.

5. Për zbatimin e këtij vendimi obligohen: Drejtoria për Ekonomi, Bujqësi, Pylltari dhe Zhvillim Rural, Drejtoria për Gjeodezi Kadastër dhe Pronë dhe Drejtoria për Urbanizëm dhe Mbrojtje të Mjedisit.

6. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit të Ministrisë për Administrimin e Pushtetit Lokal, si dhe pas publikimit në faqen zyrtare të Komunës së Vushtrrisë.

- b). Shqyrtimi i propozimit për themelimin e grupit joformal të grave deputete

Gresa Muli, anëtarë e kuvendit – tha se është mirë që ky grup joformal të funksionalizohet, dhe që këtij grapi t'i ndahet një fond i caktuar, me të cilin do të mund që t'i ushtrojë detyrat e veta, si dhe do t'i financonte nevojat dhe aktivitetet në adresimin e çështjeve që kanë të bëjnë me gratë e Komunës së Vushtrrisë.

Melihate Basholli, anëtarë e kuvendit – sqaroi se anëtarja më vjetër e kuvendit duhet të thërras një mbledhje të grupit të grave asambleiste, në ç'rast do të zgjidhet kryetarja e këtij grapi dhe tanë ky grup joformal do të mund të zhvillonte aktivitetin e tij. Pastaj ajo njoftoi se ky grup jo formal ka ekzistuar edhe në të kaluarën.

- c). Pyetjet e anëtarëve të kuvendit:

Ilmi Azemi, anëtar i kuvendit – pyeti kryetarin e komunës, se në cilën fazë ndodhet implementimi i vendimit për ofrimin e ndihmës financiare për shërimin e Olta Tërrstenës,

vendim i cili është marrë vitin e kaluar dhe tani kjo familje ka nevojë që kjo ndihmë financiare të realizohet sa ma parë.

Xhafer Tahiri, Kryetar i komunës – tha se është i njofshuar me vendimin e marr lidhur me rastin të cilin e potencoi anëtarë i kuvendit, dhe shtoi se është i çuditshëm fakti se ai vendim është marrë që mjetet të sigurohen qofshë nga kategoria e subvencioneve apo nga mallrat dhe shërbimet, e që dihet fakti se kategoria e mallrave dhe shërbimeve kanë një procedurë tjetër të transferimit të mjeteve dhe kjo sigurisht se ka shkaktuar një problem. Gjithashtu i çuditshëm është edhe fakti se nga muajji shtator e deri më tani ky vendim nuk është zbatuar nga organi kompetent. Pastaj ai sqaroi se qeverisja e kaluar nuk e ka zbatuar atë vendim dhe buxheti për vitin 2017 është përmbyll, andaj ky vendim ka mbetur të zbatohet me mjetet financiare të këtij viti, dhe në këtë formë dikush do të privohet nga e drejta për të marrë ndihmë financiare për shërim në kuadër të buxhetit komunal për vitin 2018.

Ilmi Azemi, anëtar i kuvendit – tha se është e vërtetë që të gjithë anëtarët e kuvendit në mënyrë unanim e kanë votuar këtë vendim për ndihmë financiare, duke e ditur që nuk ka mjetë financiare, mirëpo qëllimi ka qenë që në çdo formë t'i dilet në ndihmë kësaj familjeje, dhe vendimi është aprovuar ashtu që nëse do të ketë mjetë në vitin 2017 a është dashur të realizohet në të kundërtën a duhet të realizohet këtë vit.

Mbledhja përfundoi në ora 13:35.

Bastri Duraku



Procesmbajtës

Nasuf Aliu



Kryesues i Kuvendit

